

TYSVÆR KOMMUNE

KONTROLLUTVALET

ÅRSMELDING 2020



Tysvær rådhus Foto: T. Hallsjø

KONTROLLUTVALET

TYSVÆR KOMMUNE

INNLEIING

Kontrollutvalet si årsmelding er ei tilbakemelding til kommunestyret om utvalet si verksemd og kva saker og oppgåver som er tatt opp drøfta og handsama i 2020.

I følgje kommunelova § 23-5 skal "**kontrollutvalet rapportere resultat av sitt arbeid til kommunestyret**".

1. OM KONTROLLUTVALET

Kontrollutvalet er eit *lovpålagt* organ som skal på vegne av kommunestyret syte for tilsynet med forvaltninga av kommunen og selskap som kommunen eig eller er deleigar i gjennom rekneskapsrevisjon, forvaltningsrevisjon og eigarskapskontroll. Utvalet skal også sjå til at revisjonen fungerer på ein trygg måte. Ordninga er heimla i kommunelova og forskrift om kontrollutval og revisjon.

Kontrollutvalet er ikkje underlagt andre organ enn kommunestyret og rapporterer og innstiller til dette. Kontrollutvalet har eige reglement, vedtatt av kommunestyret fyrste gong i 2012 og det blei revidert i 2020 som følgje av ny kommunelov.

Det er kommunestyret sjølv som vel medlemmene. Kontrollutvalet skal ha minst fem medlem, og etter § 23-1 skal minst eit medlem veljast blant kommunestyret sine representantar. Tilsette i kommunen er utelukka frå val til kontrollutvalet. Medlemmene kan heller ikkje vere medlem/varamedlem i andre utval, som har avgjerdsrett, eller vere i styret eller bedriftsforsamlingar, der kommunen har eigarinteresser.

2. MEDLEMMENE I UTVALET

Utvalet er for valperioden 2019-2023 følgjande medlemmer:

Faste medlemmer

Leiar **Ola S. Apeland** (H)
Nestleiar **Karsten A. Larsen** (Frp)
Medlem **Emly Årvik** (Ap)
Medlem **Svein Terje Brække** (Krf)
Medlem **Marit Hølland Gjedrem** (Sp)

Varamedlemmer:

1. Lars Birger Baugstad (Frp)
2. Jorunn Synnøve Stava (H)
3. Wenche Hellesund (V)
4. Inge Lundervold (Sp)
5. Henry Dybdahl (Ap)

Utvalseleiar Apeland er utvalet sin kommunestyreprerentant. Leiar og nestleiar i kontrollutvalet har møterett i kommunestyret og talerett når utvalet sine saker blir handsama.

Ordføraren har møte- og talerett i utvalet. Han har i 2020 møtt fire av fem gonger. Rådmannen har ikkje møterett, men kan bli invitert/kalla inn. Han har møtt på alle dei fem møta i fjor. I tillegg har økonomisjef, teknisk sjef, kommunalsjef oppvekst/kultur og barnevernsleiar orientert i saker for utvalet.

Møta vert gjort kjent på kommunen sine nettsider og sekretariatet sine heimesider. På desse stadene vert også sakspapira og protokollar lagt ut.

3. AKTIVITETEN I KONTROLLUTVALET I 2020

Kontrollutvalet har i 2020 hatt **4** (4) møte fordelt på to om våren og to på hausten. Utvalet held møta på rådhuset, sidan mai i kommunestyresalen. Kontrollutvalet har opne møte, men dei skal og kan bli lukka når det er heimla i lov.

Utvalet har i 2020 hatt **32** (26) saker til handsaming, der 9 (7) av sakene er vidaresendt til handsaming i kommunestyret. **55** (53) saker er blitt lagd fram til orientering. Samla oversyn over saker og orienteringssaker følgjer som vedlegg til årsmeldinga.

På dagskonferansen på Sandnes for kontrollutval i Rogaland i januar deltok Apeland, Årvik og Gjedrem. Kontrollutvalskonferansen i regi av Norges Kommunerevisorforbund (NKRF) 29.-30. januar deltok ingen frå Tysvær. Konferansen til Forum for kontroll og tilsyn (FKT) i juni blei avlyst som følgje av koronapandemien.

4. KONTROLLUTVALET SINE HOVUDOPPGÅVER

Kontrollutvalet har oppgåver knytte til kommunen sin eigenkontroll gjennom rekneskapsrevisjon, forvaltningsrevisjon og eigarskapskontroll. Utvalet skal også sjå til at revisjonen fungerer.

4.1 REKNESKAPSREVISJON

Kontrollutvalet skal sjå til at kommunen sin årsrekneskap vert revidert på ein trygg måte. Kontrollutvalet skal også halde seg orientert om revisjonsarbeidet og sjå til at det går føre seg i samsvar med lov og føresegner, god kommunal revisjonsskikk (GKR) og kontrollutvalet sine instruksar.

Kontrollutvalet hadde i møtet 12.05.20, sak 7/20 kommunen sin årsrekneskap for 2019 til handsaming. Totalt sett blei rekneskapen gjort opp med eit rekneskapsmessig mindreforbruk/overskot på kr 25,6 mill.kr (etter avsetjing til driftsmidlar til investeringar og fond i samsvar med budsjett).

Årsrekneskapen viste eit positivt netto driftsresultat med 60,5 mill. kr, som utgjer 5.3 % av driftsinntektene. Resultatet var noko under resultatet året før på 9 %, men langt over landsnittet på 1,7 %.

Kontrollutvalet hadde inga merknader til rekneskapet. Revisor hadde levert rein revisjonsmelding. I revisjonsrapporten var det tatt inn merknader knytte til administrasjonsrettar, avdrag på lån i driftsrekneskapen og at kommunen har bokført spillemiddelinntekter og tilhøyrande fordringar utan tilsegnsbrev.

Utvalet fant at det ikkje var grunn til be om ny tilbakemelding frå administrasjonen då dei støtta rådmannen sine vurderingar knytte til merknadene.

4.2 FORVALTNINGSREVISJON

I følgje kommunelova skal kontrollutvalet sjå til at det årleg vert gjennomført forvaltningsrevisjon av den kommunale verksemda. Kontrollutvalet skal minst ein gong i valperioden utarbeide ein plan for gjennomføring av forvaltningsrevisjon. Kommunestyret skal vedta planen. Tysvær kommune sin plan for 2020-2024 blei vedteken av kommunestyret i møte 22.09.20, sak 82/20.

Arbeidet med planen starta på nyåret med ein workshop og det blei av revisjonen utarbeida utkast til plan med risiko – og vurderingar til maimøtet. Utvalet drøfta planen i juni og kom med si innstilling til kommunestyret. I følgje vedtatt plan er prioriteringslista følgjande:

1. Beredskap – hendingar og katastrofar
2. Reduksjon av framtidig inntektsgrunnlag
3. Barnevern
4. Kontraktsoppfølging

Rapport om «Kvalitetssikring av plan – og byggesakshandsaminga» blei lagt fram for kontrollutvalet i juni og kommunestyremøtet 22.09.20, sak 83/20. Revisor hadde peika på fleire forbetripingspunkt som var sett opp i ni tilrådingar. Det blei sett ein frist for tilbakemelding innan 12 månader. Tilbakemelding er venta hausten 2021.

Oppfølging av forvaltningsrevisjonsprosjektet om «Kvalitet og ressurseffektivitet innan pleie – og omsorgstenestene» blei lagt fram for kontrollutvalet i september og kommunestyret 22.09.20, sak 84/20. Kommunestyret tok rådmannen si tilbakemelding til orientering, men vedtok også følgjande:

Tysvær kommunestyre ber rådmannen legge fram sak som ytterligere konkretiserer revisors vurderinger framlagt i 5 punkter i saksframlegget fra kontrollutvalget. I tillegg til revisors merknader bes også konsekvens for brukere/pårørende konkretiseres. Levekår følger opp arbeidet og første sak legges fram for Levekårsutvalget innen 01.03.21.

Kontrollutvalet valde nytt prosjekt i desember. Dei valde å gjere om på prioriteringslista og vedtok prosjekt nr 2. «Reduksjon av framtidig inntektsgrunnlag» framfor nr 1 «Beredskap hendingar og katastrofar». Utvalet ønskte også at Rogaland Revisjon IKS var det selskapet som utfører revisjonen. Saka vert drøfta nærmare i fyrste møtet på nyåret.

4.3 EIGARSKAPSKONTROLL

Kontrollutvalet er også pålagt og sjå til at det vert ført kontroll med forvaltninga av kommunen sine interesser i selskap m.m. Kontrollutvalet skal også her utarbeide ein plan for gjennomføringa.

Planen for 2020-2024 og retningslinjene for selskapskontroll blei vedtatt av kommunestyret i møte 22.09.20, sak 81/20. I planen er «Generell eigarstyring» sett opp fyrst, og så er selskapa Haugaland Kraft As, HIM IKS, Haugaland Vekst IKS og Friluftsrådet Vest tatt inn som aktuelle prosjekt.

4.4 REVISOR SITT ARBEID

Tilsyn med revisjonen blir gjennomført ved gjennomgang av revisjonens planer og rapporter. Utvalet innhentar kvart år eigenerklæring frå ansvarleg revisor. Revisor har møte- og talerett i utvalet sine møte.

KPMG AS har sidan 01.07.12 vore kommunen sitt revisjonsselskap, og noverande avtale gjeld fram til 30.06.21. Oppdragsansvarleg rekneskapsrevisor har dei siste åra vore Roald Stakland. Han møtte i maimøtet. I brev av 02.10 blei det opplyst om skifte av revisor, og Willy Hauge er no oppdragsansvarleg revisor. Han møtte i møtet i desember. Forvaltningsrevisorane har kontor i Bergen og dei har møtt i tre av møta i 2020.

På bakgrunn av orientering om at kommende anbudsprosess var blitt forsinka, bad kontrollutvala i Karmøy og Sveio sekretariatet om å leggje fram ei sak til august/septembermøtet om val av ulike revisjonsordningar.

Sekretariatet la då sak fram for alle kontrollutvala på Haugalandet og med to alternativ, anten å velje interkommunalt samarbeid eller å fortsette med konkurranseutsetting. Utvalet kom med innstilling om å velje eigarskap i det interkommunale revisjonsselskapet Rogaland Revisjon IKS. Innstillinga blei lagt fram for kommunestyret i møtet 22.09.20, sak 85/20, og blei samrøystes vedtatt.

KPMG AS har, i tillegg til eigenerklæringar, presentert plan for revisjonsarbeidet, orientert om interimrevisjonsarbeidet og lagt fram planar og risiko- og vesentlegvurderingar og utarbeida forvaltningsrevisjonsrapport.

4.5 ETTERLEVINGSKONTROLL (NYTT)

Kontrollutvalet skal mellom anna «påseat det føres kontroll med at den økonomiske forvaltning foregår i samsvar med gjeldende bestemmelser og vedtak....». Revisor er derfor pålagt, ifølgje ny kommunelov, å gje ei skriftleg uttale til kontrollutvalet seinast 30. juni. Dette er omtala som ei ny oppgåve for revisor, kalla i § 24-9 «forenkla etterlevingskontroll».

KPMG AS kom med si uttale for rekneskapsåret 2019 i haust (utsett frist i år) med eit nummerert brev til administrasjonen der konklusjonen var negativ. Revisor hadde tatt ein stikkprøvekontroll innan området offentlege anskaffingar for innkjøp over kr 100.000 i driftsrekneskapet og det var då oppdaga nokre brot knytte til manglande protokoll og konkurranseutsetting.

Utvalet har bede om skriftleg tilbakemelding frå rådmannen innan 15.01.21 om avvika og sak vil bli lagt fram for utvalet i fyrste møtet på nyåret.

4.6 TILSYN MED FORVALTNINGA

Tilsyn med forvaltninga kan også skje ved at utvalet får orientering frå rådmannen om spørsmål og saker utvalet har spurt om.

I februarmøtet bad utvalet rådmannen orientere i maimøtet om kommunen sin oppfølging av fylkesmannen sine rapportar om brot på opplæringslova kap. 9 A ved to skular og det vidare arbeid innan dette område. Orienteringa kom i junimøtet, då maimøtet fyrst var planlagt som digitalt møte.

Kommunestyret vedtok i møtet 18.02.20, sak 13/20 at kontrollutvalet skulle gå igjennom sak om turveg til Himakånå som følgje av at kommunestyret hadde i same sak hadde gjeve ei tilleggsløyve på kr 3,6 mill. kr. Vedtaket pkt. 4 var følgjande:

Kommunestyret ber kontrollutvalget gå gjennom saken for å kartlegge hva som har skjedd, og hvorfor kostnadene er blitt så mye høyere enn prognosene.

Kommunestyret viser i den forbindelse til premissene i tidligere vedtak om målsetting om å redusere kommunens andel som ikke synes å være fulgt godt nok opp.

Kontrollutvalet handsama oversendinga i maimøtet og det blei fatta slikt vedtak:

Tysvær kontrollutval ber om at det blir lagt fram sak om «Turveg til Himakånå», etter at prosjektet er ferdigstilt, og med avslutta byggerekneskap for prosjektet. Kontrollutvalet legg til grunn at dette kan gjennomførast hausten/vinteren 2020.

Kontrollutvalet si foreløpige vurdering er at kommunen har påtatt seg eit ansvar utan at dette har vore tilstrekkeleg saksbehandla før det blei iverksatt, og at dette i stor grad må sjåast på som eit politisk ansvar som har påført kommunen store uforutsette kostnader utan tilstrekkeleg administrativ styring, kontroll, og budsjettmessig dekning.

Kontrollutvalet ønskjer derfor at det blir gjeve ei samla vurdering frå rådmannen av prosjektet, frå det blei sett i gong, til etter det er avslutta. Det skal utarbeidast ei skriftleg oversikt som tar opp i seg alle relevante forhold i saka.

Kontrollutvalet ønsker ei samla oversikt på alle avtaler som gjeld prosjektet, som parkering, sanitæranlegg og anna drift og vedlikehald av turistanlegget.

Vidare ber kontrollutvalet om at politisk leiing gjer ei skriftleg utgreiing om si rolle i prosjektet.

Tilbakemelding er venta til fyrste møtet i 2021.

Det har elles i 2020 vore ein e-post til utvalsleiar med ønskje om utvalet skulle sette fokus på eit emne/konkret sak. Denne var frå Frp si gruppeleiar om saksgang for ei orienteringssak i levekårsutvalet. Kontrollutvalet bad rådmannen om ei tilbakemelding. Den kom til septembermøtet og det gjekk der fram at kommunen si praksis ikkje var i strid med kommunelova.

Elles er utvalet ikkje klageorgan for enkeltvedtak og skal heller ikkje overprøve politiske vedtak.

5 BUDSJETT/REKNESKAP- KONTROLLARBEIDET I KOMMUNEN

ANSVARsomRÅDE 10010 REVISJON OG KONTROLLUTVAL	REGNSKAP 2019	BUDSJETT 2020	REGNSKAP 2020
Godtgjersle, kurs, m.m	42 808	100 000	81 757
Revisjonstenester (avt m/priv.)	478 203	535 000	565 291
Sekretariatstenester ((IKS)	198 000	205 000	205 000
Sum utgifter	719 011	840 000	852 048

Kontrollutvalet handsama hausten 2020 framlegg til budsjett 2021 for kontrollarbeidet i kommunen. Framlegg til budsjett var på **kr 862 000** eks mva. Framlegget blei lagt inn av administrasjonen i rådmannen sitt budsjettframlegg og blei vedteken av kommunestyret som ramme for 2021.

6. SEKRETARIATET

Kommunane er pålagt å ha eit kontrollutvalssekretariat som er uavhengig, dvs. ikkje knytte opp mot rådmannen eller revisjonen. Haugaland Kontrollutvalgssekretariat IKS blei etablert i 2005 og vore i drift i 16 år.

Selskapet er eid av 10 kommunar og oppgåvene blir ivaretatt av to tilsette. Sekretariatet har, i tillegg til kontakt og samarbeid med utvala, administrasjon og politisk leiing, samarbeid med tre revisjonsselskap, andre interkommunale selskap i regionen og andre sekretariat, spesielt med Rogaland, Agder og Vestland.

Fast utvalssekretær har vore dagleg leiar Toril Hallsjø. Sekretariatet har eigne heimesider, www.kontrollutvalgene.no, kor mellom anna alle sakskart, protokollar og rapportar blir lagt ut fortløpande.

Frå Tysvær kommune er Kathrine Bakkevig valt som kommunen sin representant til representantskapet i IKSet og med Åsmund Sandvik som varamedlem. Lygre deltok på representantskapsmøtet 27.04.20, som blei halde digitalt etter ny forskrift, som følgje av koronapandemien.

7. OPPSUMMERING

Aktiviteten i 2020 har stort sett vore som planlagt, på tross av koronapandemien. Møtsted har vore kommunestyresalen. FKT-konferansen i juni blei ikkje arrangert. Det har vore utarbeidd og lagt fram planar for dei neste fire åra. Ein forvaltningsrevisjonsrapport om plan – og byggesakshandsaminga er blitt bestilt og lagt fram og ein oppfølgingssak om tidlegare rapport innan pleie – og omsorgstenestene er også sendt til kommunestyret. Tilbakemelding om turvegen til Himakånå er etterspurt.

Utvalet har sendt si innstilling på val av ny revisjonsordning og revidering av utvalet sitt reglement til kommunestyret. Kommunestyret har valt Rogaland Revisjon IKS som ny revisor frå 01.07.21 og vil å gå inn som deleigar i selskapet.

Val av nytt forvaltningsrevisjonsprosjekt er gjort, og vil bli satt i gang til våren. Administrasjonen har gjort greie for saker som utvalet har bede om undervegs gjennom året.

Aksdal, den 25.01.21

Tysvær kontrollutval

Ola S. Apeland
leiar (sign.)

Karsten A. Larsen
(sign.)

Emly Årvik
(sign.)

Svein Terje Brekke
(sign.)

Marit Hølland Gjerdrem
(sign.)

OVERSYN OVER SAKER 2020 – TYSVÆR KONTROLLUTVAL**Saker til handsaming:**

- 1/20 Godkjenning av protokoll frå møtet 02.12.19
- 2/20 Plan for orienteringar om resultatområda og stabsfunksjonane
- 3/20 Val av forvaltningsrevisjonsprosjekt i 2020
- 4/20 Kontrollutvalet si årsmelding for 2019
- 5/20 Referat- og orienteringssaker 04.02.20

- 6/20 Godkjenning av protokoll frå møtet 04.02.20
- 7/20 Uttale om Tysvær kommune sin årsrekneskap 2019
- 8/20 Oversending av sak frå kommunestyret om prosjektet «Turveg til Himakånå»
- 9/20 Arbeidet med plan for forvaltningsrevisjon og eigarskapskontroll 2020-2024 - utkast til risiko- og vesentlegvurderingar og planar - Tysvær kommune
- 10/20 Reglementet til kontrollutvalet - endringar etter ny kommunelov
- 11/20 Referat- og orienteringssaker 12.05.20

- 12/20 Godkjenning av protokoll frå møtet 12.05.20
- 13/20 Plan for forvaltningsrevisjon 2020-2024 med risiko- og vesentlegvurderingar
- 14/20 Plan for og eigarskapskontroll 2020-2024
- 15/20 Forvaltningsrevisjonsrapport – «Kvalitetssikring av plan- og byggesakshandsaminga»
- 16/20 Orientering frå administrasjonen - kommunalsjef oppvekst og kultur
- 17/20 Orientering frå administrasjonen - barnevernsleiar
- 18/20 Referat- og orienteringssaker 09.06.20

- 19/20 Godkjenning av protokoll frå møtet 09.06.20
- 20/20 Orientering frå administrasjonen (utsett)
- 21/20 Oppfølging av forvaltningsrevisjonen «Kvalitet og ressurseffektivitet innan pleie- og omsorgstenestene»
- 22/20 Val av revisor frå 01.07.21 – konkurransebasert eller interkommunalt samarbeid
- 23/20 Budsjett 2021 – kontrollarbeidet i kommunen – utvalet sitt framlegg
- 24/20 Referat- og orienteringssaker 15.09.20

- 25/20 Godkjenning av protokoll frå møtet 15.09.20
- 26/20 Orientering frå administrasjonen (utsett)
- 27/20 Revisor si egenerklæring for 2020
- 28/20 Forenkla etterlevingskontroll for 2019 – revisor si attestasjon
- 29/20 Revisjonsplan for 2020
- 30/20 Val av nytt forvaltningsrevisjonsprosjekt
- 31/20 Møteplan 2021
- 32/20 Referat- og orienteringssaker 08.12.20

Referat- og orienteringssaker 2020 - Tysvær kontrollutval

Møte nr. 1

1. Statusrapport pr. februar 2020
2. Teneste 1100 Kontroll og revisjon – rekneskap 2019
3. KPMG - Orienteringsbrev om oppstart av arbeidet med ROV-vurderingar og planar for forvaltningsrevisjon og eierskapskontroll – workshop 17.03.20
4. Fylkesmannen i Rogaland – informasjon om statlege tilsyn med kommunane i 2020
5. Fylkesmannen i Rogaland – tilsynskonferanse 14.02.20
6. Protokoll frå representantskapsmøtet i HIM IKS 27.11.19
7. Protokoll frå representantskapsmøtet i Haugaland Vekst IKS 13.12.19
8. Innkalling til representantskapsmøtet i Haugaland Brann og redning IKS 05.02.20
9. Tilbakemelding/evaluering - konferansen i Sandnes 09.01.20
10. Tilbakemelding/evalu. - Kontrollutvalskonferansen 29.-30.01.20 på Gardermoen
11. Haugesunds Avis 04.12.19 om regelbrot ved to Tysværskuler
12. FM - tilsynsrapport 18.12.19 - trygt og godt skulemiljø - Frakkagjerd ungdomsskule
13. FM - tilsynsrapport 18.12.19- trygt og godt skulemiljø – Tysværvåg b- og ungd.skule
14. Årsrapport og skatterekneskap 2019 - skatteoppkrevjaren i Tysvær kommune

Møte nr. 2

15. Kommunen si oppfølging når det gjeld brot på opplæringslova v/rådmannen
16. Fylkesmannen - svar 29.04.20 på kommunen si oppfølging av opplæringslova
17. Skulesjefen sitt svar til FM om svar på tilsyn, dagsett 16.03 vedr. Tysværvåg
18. Skulesjefen sitt svar til FM om svar på tilsyn, dagsett 16.03 vedr. Frakkagjerd
19. Statusrapport pr. mai 2020
20. Kommunestyrevedtak 31.03.20, sak 7/20 – Kontrollutvalet - årsmelding 2019
21. Haugaland Brann og redning IKS – representantskapsprotokoll 23.04.20
22. Haugaland Kontrollutvalgssekretariat IKS – representantskapsprotokoll 27.04.20
23. Haugaland Kraft AS – representantskapsprotokoll 30.04.20
24. Kommunal Rapport - 22.04.20 – «Hvorfor er tilsyn og kontroll blitt så viktig?»

Møte nr. 3

25. Kommunen si oppfølging av brot på opplæringslova v/kommunalsjef
26. Skulesjefen sitt svar 29.05.20 til FM om lukking av tilsyn etter § 9A - Tysværvåg
27. Skulesjefen sitt svar 29.05.20 til FM om lukking av tilsyn etter § 9A - Frakkagjerd
28. Statusrapport pr. juni 2020
29. Representantskapsmøte i Haugaland Interkommunale Miljøverk IKS 27.05.20
30. Representantskapsmøte i Interkommunalt Arkiv i Rogaland IKS 10.06.20
31. Medlemsinformasjon mai 2020 – frå FKT

Møte nr. 4

32. Statusrapport pr. september 2020
33. Tilbakemelding frå rådmannen om sakshandsaming rundt orienteringssak/-er
34. Protokoll frå representantskapsmøte i Haugaland Vekst IKS 12.06.20
35. Protokoll frå representantskapsmøte i Interkommunalt Arkiv Rogaland IKS 10.06.20
36. Eigarmøte i Karmsund Havn IKS 18.06.20
37. Møte i hamnerådet i Karmsund Havn IKS 04.08.20
38. Kommunal Rapport - «Kontrollutvalget kan kreve at komm.direktøren stiller på møte»

Møte nr 5

39. Statusrapport pr. november 2020
40. Kommunestyrevedtak 22.09.20, sak 81/20 – Plan for eigarskapskontroll 2020- 2024
41. Kommunestyrevedtak 22.09.20, sak 82/20 – Plan for forvaltningsrevisjon 2020-2024
42. Kommunestyrevedtak 22.09.20, sak 83/20 – Forvaltn.rev.rapport « Byggesak»
43. Komm.styrevedtak 22.09.20, sak 84/20 – Oppfølging av rapport «Pleie og omsorg»
44. Kommunestyrevedtak 22.09.20, sak 85/20 – Val av revisjon frå 01.07.21
45. Kommunestyrevedtak 20.10.20, sak 102/20 – Tertialrapport 2
46. Statusrapport 28.10.20 frå kommunalsjef teknisk om saka «Turveg til Himakånå»
47. FKT- info september 2020
48. Henvendelser til kontrollutvalet – frå FKT «Veileder for sekretariat for kontrollutvalg»
49. NKRF/dept. 24.08.20 – Enkeltrepresentantar kan delta digitalt i eit elles fysisk møte
50. NKRF/dept. 02.10.20 – Sekretariatet kan delta digitalt i fysiske møter i kontrollutvalet
51. Protokoll frå digitalt representantskapsmøte 27.10.20 – Krisesenter Vest IKS
52. Protokoll frå digitalt repres.skapsmøte 13.11.20 – Haugaland brann og redning IKS
53. Innkalling til digitalt representantskapsmøte 02.12.20 – HIM IKS
54. Innkalling til digitalt representantskapsmøte 11.12.20 – Haugaland Vekst IKS
55. Rogaland kontroll- og kvalitetsutval 26.11.20, sak 59 - Haugalandspakken – forvaltningsrevisjon - prosjektmandat
